

唐絶新選

上



山陽賴先生輯

唐絕新選

幽蘭書屋藏版




初唐絕新選序



故山陽賴先生所輯唐絕新選紹九歲時受于
先生而手謄之庶童子何知及長則先生既沒紹
亦服他業此書委篋底十二年頃探得之讀例
言始得知先生新撰之意矣蓋先生以經世之學自
許詩則貝餘事而此撰又其餘事耳獨取遠已
固無意于傳世然其取舍之間論辨無遺學者奉
而諷詠則其出于己者自不隔邪徑矣噫紹事先
生齡幼日淺尔來西遊東行未能從事韻語以稱

先生見授此撰之恩。今若使湮沒無傳。焉則。是重
怠慢之罪也。因與令嗣及同社謀。而刻以遺天下。學
詩者。紹而自今。業暇不廢吟哦。則吾年之間。庶
幾得一二絕句。使先生領於地下者。未晚也。所刻原
本校之。群書異同互見者。注之。其後人名。或題字
號。或官銜。今考其人。畧錄卷末。備錄舊不書題。以
李撰多行于世也。今姑補入。以便讀者云。

天保癸卯夏日 門末小石 紹拜撰



自序

余餘力爲詩。詩最好七絕。欲以二十八
字。酬酢萬變。暇日取唐絕最可意者。以
資諷詠。顧聲音之道。和漢殊異。我安準
焉。況於其體最唐樂者乎。然自詩之與
歌判也。彼撰焉。與我選焉。奚擇。余取吾
之所感焉爾。余嘗撰秦漢文序之曰。自

撰而自讀。取滿於我而已。人之讀之。必猶吾不滿於人也。而吾不遑恤焉。今於此選亦云。

文化庚午八月

賴襄題

例言

一余性酷好唐絕。自爲客。平居無繆。輒誦唸之。如古人來相慰藉者。於是益知唐人妙處。有後世所不及。遂欲得一集可意者。置之坐側。而不得也。乃有自選之舉。且疏諸家選法。不可曉者。以質君子。非敢歷詆昔賢。而自是

愚也。

一輯唐詩者數十家。而行於此間者。于鱗爲最。三家村亦藏歷下之選。人人誦習。故今之所取。係彼所不載。已而又念明珠翠羽萬目所珍。彼固不得獨私之。而我亦不得獨遺之也。因備錄於後。其間又有所去取。以竢識者。

覽觀。

一唐詩之選。至廷禮氏始備。于鱗氏欲超而上之。故不得不嚴酷焉。然亦有不嚴者。絕句如二崔唱和。真爲不類。蓋以廷禮所遺。故意取之耳。即少伯之真成薄命。似意太巧。摩詰之綠樹重陰。似韻太卑。子美之一辭故國。似

語太纖。世人結交爲輕薄語。紅粉青蛾爲褻嫚語。他多此類。今皆淘而去之。

一竟陵之激於濟南也。猶濟南之劇於新寧也。故概不取焉。且濟南猶執正而爭。是假仁之霸耳。至竟陵則黃巾五斗矣。

一品彙失之繁。正聲失之簡。與其簡而有遺也。寧繁而過取。故今之選。取於品彙者爲多。而旁及群書。

一余來備後。備後人善說。王新城萬首選。余謂新城詩名蓋世。其選於古。必有大過人者。乃百方求索。獲如拱璧。先讀其序引。多獲我心。及披閱之。則

不類其所言也。最可笑者。如下一叫一
 回腸一斷。三春三月憶三巴。有時捫
 蝨獨搔首。目送歸鴻籬下眠。尋章摘
 句老彫蟲。曉月當窗挂玉弓。知君欲
 作閑情賦。應願將身作錦鞵。幾度木
 蘭舟上望。不知元是此花身。折得荷
 花渾忘却。空將荷葉蓋頭歸。當時如

何下筆。後世如何竟傳。殆不可曉。翻用

新城語新城之有此選也。曰是唐樂府

也。如此者。可復被諸絃歌乎。

一新城之選。最不可曉者。如惆悵詩七
 首。比紅兒詞十二首。
 可厭。也。非選。按山人此時年七
 十五。豈耄焉爾乎。

一後於新城而選者。爲沈長洲。亦品彙之流。以其晚出。取捨頗公。然往往執學究科條。以律詩人。凡涉艷冶者。一切擯斥。至以銅雀春深鎖二喬爲惡少年語。是寧可與言詩也哉。

一二客來閱我選。一客曰。某詩類明。享保前人所喜耳。一客曰。某詩類宋。安

永後人所喜耳。余笑曰。公等所謂原將圖畫寫山水。却說溪邊似畫圖者也。

一或謂此所取。多係周氏三體詩所載。夫李選行。而三體如奴隸。李尚高雅。周取纖弱。今猶挂諸齒牙乎。余曰。是猶謂盜所持金非金也。且子以耳食。

者也。周意所主。誠不脫元人風習。然其所選。有至當不可易者。較諸李選。且如戴叔倫。李取半夜回舟。周取廬橘花開。如溫庭筠。李取館娃宮外。周取天寶年中。孰高雅孰纖弱。子且舍耳而目。

一我選中晚唐多。以其多也。汪鈍翁曰。

唐不可四。余曰。四唐如四時。春多春佳處。秋有秋佳處。獨取春廢秋。有此理乎。然其盛衰榮枯。固有在焉。不察於此。而徒曰盛唐盛唐者。從人後嗟嘆耳。

一或病我所選有趨議論者。嚴滄浪斥以詩議論者為惡魔。誠至論也。然亦

矯時之意耳。中晚名家別開境界。以其議論也。今何苦自狹其封域也。如義山以二十八字當一篇史論。絕句能事於是乎極矣。唯不可以此爲詩本色耳。今取其最出意而不壞格調者數首。以備變態。

一明人論詩。皆嚴氏唾餘。而憎議論更甚。但使龍城飛將在。不教胡馬度陰山。非議論也乎。

一歷城推秦時明月。爲唐絕壓卷。太倉則以蒲萄美酒壓卷。漁洋稱渭城朝雨。朝辭白帝。奉帚平明。黃河遠上。曰。終唐之世。絕句亦無出四章之右者矣。長洲乃取回樂峯前。山圍故國。烟

籠寒水。楊子江頭。曰。亦堪接武矣。其然豈其然乎。詩言興趣。興趣千萬。焉可甲乙。且就此論之。秦時明月偏於議論。朝辭白帝。有景無情。至奉帚平明。山圍故國。則古今所稱為絕唱。而余獨疑其纖巧故意布置也。故此撰不收。此二首。抑在盛唐。工部之逢李

龜年。在中唐。張祐之郵亭殘花。余以為當列此諸篇也。明人撰不及工部此詩。何也。

一劉項元來不讀書。薛王沈醉壽王醒之類。長洲不取其論誠高。然如奇葩異卉。造化所必有。不可獨以桃李為花也。

唐絕新選卷上
一誰將詞賦從彫輦。寂莫相如臥茂陵。
莫道中原無麟鳳。自是皇家結網疎。
分明許負。却羨落花春不管。御溝流
得至人間。分明怨曠。俱不可謂詩。諸
家所取。余不敢從。

賴襄識

唐絕新選卷上

橫江詞

供奉

橫江館前津吏迎。向余東指海雲生。即
今欲渡緣何事。如此風波不可行。
即一作郎

贈汪倫

李白乘舟將欲行。忽聞岸上踏歌聲。桃

花潭水深千尺不及汪淪送我情將一作遠

南流夜郎寄內

夜郎天外怨離居明月樓中音信疎北雁春歸看欲盡南來不得豫章書

從軍行

百戰沙場醉鐵衣城南已合數重圍突營射殺呼延將獨領殘兵千騎歸

陪李曄賈至遊洞庭

洞庭湖西秋月輝瀟湘江北早鴻飛醉

客滿船歌白紵不知霜露濕秋衣濕一作入

山中問客

問余何事棲碧山笑而不答心自閒桃花流水杳然去別有天地非人間

結襪子

唐詩新選 卷上

燕南壯士吳門豪筑中置鉛魚隱刀感
君恩重許君死泰山一擲輕鴻毛

長門怨

天迴北斗挂南樓金屋無人螢火流月
光欲到長門殿別作深宮一段愁

南一作西

少年行

五陵年少金市東銀鞍白馬度春風落

花踏盡遊何處笑入胡姬酒肆中

駿馬驕行踏落花垂鞭直拂五雲車美
人一笑褰珠箔遙指紅樓是妾家

登廬山五老峯

廬山東南五老峯青天削出金芙蓉九
江春色可攬拈吾將此地巢雲松

春一作秀

從軍行

少伯

唐詩新選 卷上

三

唐詩新選 卷上
大漠風塵日色昏紅旗半卷出轅門前
軍夜戰洮河北已報生擒吐谷渾
琵琶起舞換新聲總是關山離別情撩
亂邊愁聽不盡高高秋月照長城

寄穆侍御出幽州

一從恩譴度瀟湘塞北江南萬里長莫
道薊門書信少雁飛猶得到衡陽

青樓曲

馳道楊花滿御溝紅妝漫綰上青樓金
章紫綬千餘騎夫婿朝回初拜侯

西江寄越弟

南浦逢君嶺外還沅溪更遠洞庭山堯
時恩澤如春雨夢裏相逢共入關

芙蓉樓送辛漸

唐詩新選 卷上

丹陽城南秋海陰
丹陽城北楚雲深
高樓送客不能醉
寂寂寒江明月心

長信秋詞

金井梧桐秋葉黃
珠簾不捲夜來霜
熏籠玉枕無顏色
臥聽南宮清漏長

觀獵

角鷹初下秋草稀
鏃驄拋鞚去如飛
少

年獵得平原
兔馬上橫鞞
意氣歸

春夢

嘉州

洞房昨夜春風起
遙憶美人湘江水
枕上片時春夢中
行盡江南數十里

秋夜聞笛

天門街西聞搗帛
一夜愁殺湘南客
長安城中百萬家
不知何人夜吹笛

唐詩新選 卷三

送李明府赴睦州觀_中大夫人_上

手把銅章望海雲
夫人堂上絳羅裙
嚴灘一點舟中月
萬里煙波也夢君

趙將軍歌

九月天山風似刀
城南獵馬縮寒毛
將軍縱博場場勝
賭得單于貂鼠袍

原頭送范侍御

百尺原頭酒色殷
路傍驄馬汗斑斑
別

君只有相思夢
遮莫千山與萬山

崔倉曹席上送殷寅充_下右相判官_上

赴淮南

清淮無底綠江深
宿處津亭楓樹林
駟馬欲辭丞相府
一尊須盡故人心

草堂村尋人不遇

唐詩新選 卷七
數株垂柳欲依依深巷斜陽暮鳥飛門
前雪滿無行跡應是先生出未歸

營州歌

常侍

營州少年厭原野皮裘蒙茸獵城下虜
酒千鍾不醉人胡兒十歲能騎馬

皮一作狐

寄河上段十六

右丞

與君相見即相親聞道君家在孟津爲

見行舟試借問客中時有洛陽人

戲題盤石

可憐盤石臨泉水復有垂楊拂酒杯若
道春風不解意何因吹送落花來

少年行

新豐美酒斗十千咸陽游俠多少少年相
逢意氣爲君飲繫馬高樓垂柳邊

唐詩集卷三

送別

送君南浦淚如絲君向東州使我悲為
報故人憔悴盡如今不似洛陽時

送元二使安西

渭城朝雨裊輕塵客舍青青柳色新
勸君更盡一杯酒西出陽關無故人

濟江問舟子

舟子一作
同舟人

鹿門

潮落江平未有風輕舟共濟與君同時
引領望天末何處青山是越中

出塞曲

舍人

萬里平沙一聚塵南飛羽檄北來人傳
道五原烽火急單于昨夜寇新秦

送王道士還京

唐詩集

卷三

八

唐詩新選 卷三
一片仙雲入帝鄉，數聲秋雁至衡陽。借問清都舊花月，豈知遷客泣瀟湘。

答嚴大夫

今夕秦天一雁來，梧桐墜葉擣衣催。思君獨步華庭月，舊館秋陰長綠苔。

春日思歸

王子羽

楊柳青青杏發花，年光誤客轉思家。不

知湖上菱歌女，幾箇春舟在若耶。

明妃曲

儲太祝

日暮驚沙亂雪飛，傍人相勸易羅衣。強來前殿看歌舞，共待單于夜獵歸。

遇劉五

李東川

洛陽一別李花新，黃鳥飛飛逢故人。攜手當年共爲樂，無驚蕙草惜殘春。

唐詩新選 卷三

落第後口號

薛議郎

十五能文西入秦三十無家作路人時
命不將明主合布衣空惹洛陽塵

怨歌

薛維翰

百尺朱樓臨狹斜新妝能唱美人車皆
言賤妾紅顏好要自狂夫可憶家

海上憶洛中舊遊

獨孤至之

涼風臺上三峯月不夜城邊萬里沙離
別莫言關塞遠夢魂長在子陵家

桃花磯

張長史

隱隱飛橋隔野煙石磯西畔問漁船桃
花盡日隨流水洞在清溪何處邊

山中留客

山光物態弄春暉莫為輕陰便擬歸縱

唐詩新選

卷七

十

使晴明無雨色入雲深處亦沾衣

款乃曲

次山

湘江三月春水平滿月和風宜夜行唱
橈欲過平陽戍守吏相呼問姓名作三一

江南逢李龜年

工部

岐王宅裡尋常見崔九堂前幾度聞正
是江南好風景落花時節又逢君

解悶

高胡離別下揚州憶上西陵故驛樓為
問淮南米貴賤老夫乘興欲東遊

寄別朱拾遺

劉隨州

天書遠召滄浪客幾度臨岐病未能江
海茫茫春欲遍行人一騎發金陵

奉使鄂渚至烏江道中

滄州不復戀漁竿，白髮那堪帶鐵冠。
客路向南何處是，蘆花千里雪漫漫。

暮春歸故山草堂 錢仲文

谷口春殘黃鳥稀，辛夷花盡杏花飛。
獨憐幽竹山窗下，不改清陰待我歸。

過故洛城

故城門前春日斜，故城門裏無人家。
市

朝欲認不知處，漠漠野田空草花。

秋夜送趙冽歸襄陽

斗酒忘言良夜深，紅萱露滴鵲驚林。
欲知別後思今夕，漢水東流是寸心。

登寶意寺上方舊遊

韋蘇州

翠嶺香臺出半天，萬家烟樹滿晴川。
諸

僧近住不相識坐聽微鐘記往年

寒食寄京師諸弟

雨中禁火空齋冷江上流鶯獨坐聽把酒看花想諸弟杜陵寒食草青青

九日

今朝把酒復惆悵憶在杜陵田舍時明年九日知何處世難歸家未有期

春思

野花如雪繞江城坐見年芳憶帝京閨闔曉開凝碧樹曾陪鵷鷺聽流鶯

滁州西澗

獨憐幽草澗邊生上有黃鸝深樹鳴春潮帶雨晚來急野渡無人舟自橫

上一作尚
樹一作處

生一作行

赴李少府莊失路 皇甫參軍

君家南郭白雲連，正待情人弄石泉。
月照烟花迷客路，蒼蒼何處是伊川。

楊柳枝詞

楊司業

水邊楊柳綠煙絲，立馬煩君折一枝。
唯有春風最相惜，慙慙更向手中吹。

題稚川山水

戴幼公

松下茅亭五月涼，沙汀雲樹暗蒼蒼。
行人無限秋風思，隔水青山似故鄉。

湘南即事

蘆橘花開楓葉衰，出門何處望京師。
沅湘日夜東流去，不爲愁人住少時。

萼嶺四望

皇甫孝常

漢家僊仗在咸陽，洛水東流出建章。
野

唐詩集選 卷一

老至今猶望幸離宮秋樹獨蒼蒼

春怨

劉方平

紗窗日落漸黃昏金屋無人見淚痕寂
莫空庭春欲剋梨花滿地不開門

柏林寺南望

郎君胄

溪上遙聞精舍鐘泊舟微徑度深松青
山霽後雲猶在畫出東南四五峯

峽口送友

文明

峽口花飛欲盡春天涯去住淚沾巾來
時萬里同為客今日翻成送故人

發渝州却寄韋判官

紅燭津亭夜見君繁絃急管兩紛紛平
明分手空江遠唯有猿聲滿水雲

江村即事

唐詩集選 卷一

五

罷釣歸來不繫船，江村月落正堪眠。縱然一夜風吹去，只在蘆花淺水邊。

路傍墓

耿漳

石馬雙雙當古樹，不知何代公侯墓。墓前靡靡春草深，唯有行人看碑路。

小孤山

顧秘書

古廟楓林江水邊，寒鴉接飯雁橫天。大

孤山遠小孤出，月照洞庭歸客船。

旅次寄湖南張郎中

戎昱

寒聲近戶漫流聲，竹影當窗亂月明。歸夢不知湖水濶，夜來還到洛陽城。

尋山家

獨訪山家歇，還涉茅屋斜。連隔松葉主，

唐詩集選 卷一
人聞語未開門繞籬野菜飛黃蝶

襄陽寒食寄宇文籍

烟水初消見萬家東風吹柳萬條斜大堤欲上誰相伴馬踏春泥半是花

邊思

李庶子

腰垂錦帶佩吳鉤走馬曾防玉塞秋莫笑關西將家子祇將詩思入涼州

早度破訥沙

破訥沙頭雁正飛鷓鴣泉上戰初歸平明日出東南地滿磧寒光生鍊衣

臨滹沱見蕃使列名

漠南山色到滹沱邊柳青青塞馬多萬里江山今不閉漢家頻許邳支和

山一作春

上黃堆峯

心期紫閣山中月身過黃堆峯上雲年
髮已從書劍老戎衣更逐霍將軍

送人歸嶽陽

烟草連天楓樹齊岳陽歸路子規啼春
江萬里巴陵戍落日看沈楚水西

上汝州郡樓

黃昏鼓角似邊州三十年前上此樓今

日山川對垂淚傷心不獨為悲秋

寫情

水紋枕簟思悠悠千里佳期一夕休從

是無心愛良夜任他明月下西樓

一作此

竹枝詞

劉賓客

日出三竿春霧消江頭蜀客繫蘭橈憑

寄狂夫書一紙家在成都萬里橋繫一作駐

瞿塘嘈嘈十二灘此中道路古來難長

恨人心不如水等閑平地起波瀾

楊柳青青江水平聞郎江上唱歌聲東

邊日出西邊雨道是無情還有情唱一作踏

楊柳枝詞

城外春風吹酒旗行人揮袂日斜時長

安陌上無窮樹唯有垂楊管別離

堤上行

酒旗相望大堤頭堤下連檣堤上樓日

暮行人爭渡急櫓聲幽軋滿中流櫓一作槳

江南江北望烟波入夜行人相應歌桃

葉傳情竹枝恨水流無限月明多恨一作怨

踏歌詞

春江月出大堤平，堤上女郎連袂行。唱盡新詞歡不見，紅霞映樹鷓鴣鳴。

和令狐相公別牡丹

平章宅裏一闌花，恰到開時不_レ至家。莫道兩京非_レ遠別，春明門外即天涯。

聽舊宮人穆氏唱歌

曾隨織女渡天河，記得雲間第一歌。休

唱貞元供奉曲，當時朝士已無多。

過襄陽上于司空頓頤

李通事

方城漢水舊城池，陵谷依然世自移。歇馬獨來尋故事，逢人唯說峴山碑。

竹枝詞

十二峰頭月欲低，空艸灘上子規啼。孤

舟一夜東歸客泣向春風憶建溪

船一作溪

春一作東

送魏簡能東遊

燕市悲歌又送君目隨征鴻過寒雲郵
亭宿處時看劍莫使塵埃蔽斗文
獻賦論兵命未通却乘羸馬出江東灞
陵道上重回首十載長安似夢中

題鶴林寺

終日昏昏醉夢間忽聞春盡強登山因
過竹院逢僧話又得浮生半日閑

從秦城回再題武關

遠別秦城萬里遊亂山高下入商州關
門不鎖寒溪水一夜潺湲送客愁

居山亭望月

大堤花裡錦江前，詩酒同遊四十年。
不料中秋最明夜，洞庭湖上月當天。

邠州詞獻高尚書

單于都護再分疆，西引雙旌出帝鄉。
朝日詔書添戰馬，即聞千騎取河湟。

江陵使至汝州 王仲初

回看巴路在雲間，寒食離家麥熟還。
日

暮數峰青似染，商人說是汝州山。

綺綉宮

玉樓傾側粉牆空，重疊青山繞故宮。
武帝去來紅袖盡，野花黃蝶領春風。

老歌者

白髮歌人帶舊情，上皇生日出京城。
如今供奉多新意，錯唱當時第一聲。

秋閨怨

怨一作思

張繪之

秋天一夜靜無雲斷續鴻聲到曉聞欲

寄征人問消息居延城外又移軍

送張司祿赴京

武伯蒼

江南烟雨塞鴻飛西府文章謝椽歸相

送汀洲蘭杜晚菱歌一曲淚沾衣

春日偶作

飛花寂寂燕雙雙南客衡門對楚江惆

悵絃管何處發春風吹送讀書窗

南遊感興

竇友封

傷心欲問前朝事唯見江流去不回日

暮東風春草綠鴈鴣飛上越王臺

小江驛送陸侍御

陳羽

鶴唳天邊秋水空荻花蘆葉起秋風今

夜渡江何處宿會嵇山在月明中

題楚昭王廟

昌黎

丘墳滿目衣冠盡城闕連雲草樹荒猶
有國人懷舊德一間茅屋祭昭王

墳一作園

次潼關先寄張十二閣老

荆山已去華山來日照潼關四扇開刺
史莫辭迎候遠相公新破蔡州迴

新一作親

和李司勳過連昌宮

夾道疎槐出老根高薨巨榻壓山原宮
前遺老來相問今是開元幾葉孫

酬曹侍御過象縣見寄

柳州

破額山前碧玉流騷人遙駐木蘭舟春
風無限瀟湘意欲採蘋花不自由

柳州二月

官情羈思共悽悽
春半如秋意轉迷
山城過雨百花盡
榕葉滿庭鶯亂啼

種木榭花

上苑年年占物華
飄零今日在天涯
祇應長作龍城守
剩種庭前木榭花

應一作因

春別曲

張文昌

長江春水綠堪染
蓮葉出水大如錢
江頭橘樹君自種
那不长繫木蘭船

哭孟寂

曲江院裏題名處
十九人中最少年
今日春風君不見
杏花零落寺門前

送元結

結一作紹

昔日同遊漳水邊
如今重說恨綿綿
天

涯相見還相別客路秋風又幾年

愁思

洛陽城裏見秋風欲作家書意萬重復
恐忽忽說不盡行人臨發又開封

涼州詞

邊城暮雨雁飛低蘆筍初生漸欲齊無
數鈴聲夜過磧應馱白練到安西夜一作搖

感春

遠客悠悠任病身誰家池上又逢春明
年各自東西去此地看花是別人誰一作謝

蠻州

瘴水蠻中入洞流人家多住竹棚頭青
山海上無城郭唯見松牌記象州多住一作

住在記一作出

同李十一醉憶元九同李十一一作遊慈恩

香山

花時同醉破春愁醉折花枝作酒籌忽
憶故人天際去計程今日到梁州作一作當

梁一作涼

三月廿八日贈周判官

一春惆悵殘三日醉問周郎憶得無柳

絮送人鶯勸酒去年今日到東都

梁州夢

長慶

夢君同繞曲江頭也向慈恩院裡遊亭
吏呼人排去馬忽驚身在古梁州

寄庾敬休

小來同在曲江頭不省春時不共遊今
日江風好暄暖可憐春盡古湘州

雨聲

風吹竹葉休還動雨點荷心暗復明
曾向西江船上宿慣聞寒夜滴篷聲

明一作鳴

送客入蜀

楊凝

劍閣迢迢夢想間行人歸路繞梁山
明朝騎馬搖鞭去秋雨槐花子午關

酬答

李長吉

雍州二月海池春潮水鷓鴣暖白蘋
試問酒旗歌板地今朝誰是拗花人

潮一作御

逢鄭三遊山

盧玉川

相逢之處草茸茸翠壁攢峯千萬重
他日期君何處好寒流石上一株松

翠一作峭

戲贈李主簿

施希聖

官罷江南客恨遙二年空被酒中消
不

知暗數春遊處偏憶揚州第幾橋

遊淮南

張承吉

十里長街市井連月明橋上見神僊人
生只合揚州死禪智山光好墓田

金陵渡

金陵津渡小山樓一宿行人自欲愁潮
落夜江斜月裡兩三星火是瓜洲

郵亭殘花

雲暗山橫日欲斜郵亭下馬看殘花自
從身逐征西府每到花時不在家

邠王小管

虢國潛行韓國隨宜春深院映花枝金
輿遠幸無人見偷把邠王小管吹

長安秋夜

李贇皇

內官傳詔問戎機，載筆金鑾夜始歸。
萬戶千門皆寂寂，月中清露點朝衣。

少年行

令狐毅士

弓背霞明劍照霜，秋風走馬出咸陽。
未收天子河源地，不擬回頭望故鄉。

臺中寓直覽壁畫山水

羊士諤

蟲思庭莎白露天，微風吹竹曉凄然。
今來始悟朝回客，暗寫歸心向石泉。

泊秦淮

小杜

烟籠寒水月籠沙，夜泊秦淮近酒家。
商女不知亡國恨，隔江猶唱後庭花。

寄揚州韓綽判官

青山隱隱水迢迢，秋盡江南草木凋。
二

十四橋明月夜玉人何處教吹簫木一作未

懷吳中馮秀才

長洲苑外草蕭蕭却筭遊程歲月遙
唯有別時今不忘暮烟秋雨過楓橋

登樂遊原

長空澹澹孤鳥沒萬古銷魂向此中看
取漢家何事業五陵無樹起秋風事一作似

魂一作沈

赤壁

折戟沈沙鐵未銷自將磨洗認前朝東
風不與周郎便銅雀春深鎖二喬未一作半

認一作驗

秋夕

銀燭秋光冷畫屏輕羅小扇撲流螢玉

階夜色涼如水卧看牽牛織女星

玉瑶一作

卧一作坐

漢江

溶溶漾漾白鷗飛綠淨春深好染衣南
去北來人自老夕陽長送釣船歸

秋浦途中

蕭蕭山路窮秋雨浙浙溪風一岸蒲爲

問寒沙新到雁來時還下杜陵無

南陵道中

南陵水面漫悠悠風緊雲輕欲變秋正

是客心孤迥處誰家紅袖凭江樓

凭一作倚

題齊安城樓

鳴軋江樓角一聲微陽歛歛落寒汀不

用憑欄苦回首故鄉七十五長亭

軋一作咽

蘭溪

蘭溪春盡碧泱泱，映水蘭花雨發香。楚

國大夫憔悴日，應尋此路去瀟湘。

初冬夜飲

淮陽多病偶求歡，客袖侵霜舉燭盤。砌
下梨花一堆雪，明年誰與凭闌看。

將赴吳興登樂遊原

清時有味是無能，閒愛孤雲靜愛僧。却
把一麾江海去，樂遊原上望昭陵。

却一作欲

遣懷

落魄江湖載酒行，楚腰纖細掌中輕。十
年一覺揚州夢，贏得青樓薄倖名。

題僧院

觥船一掉百分空，十歲青春不負公。今

日鬢絲禪榻側茶烟輕颺落花風作掉一擢

側一作畔

賈生

義山

宣室求賢訪逐臣賈生才調更無倫可
憐夜半虛前席不問蒼生問鬼神

瑤池

瑤池阿母綺窗開黃竹歌聲動地哀八

駿日行三萬里穆王何事不重來

岳陽

漢水方城帶百蠻四鄰誰道亂周班如
何一夢高唐雨自此無心入武關

齊宮詞

永壽兵來夜不扃金蓮無復印中庭梁
臺歌管三更罷猶自風搖九子鈴

過華清內廐門

華清別館閉黃昏
碧草悠悠內廐門
自是明時不巡幸
至今青海有龍孫

龍池

龍池賜酒敞雲屏
羯鼓聲高眾樂停
夜半宴歸宮漏永
薛王沈醉壽王醒

嫦娥

雲母屏風燭影深
長河漸落曉星沈
嫦娥應悔偷靈藥
碧海青天夜夜心

涉洛川

通谷揚林不見人
我來遺恨古時春
宓妃漫結無窮恨
不為君王報灌均

宿駱師亭寄懷崔雍

竹塢無塵水檻清
相思迢遞隔重城
秋

陰不散霜飛晚留得枯荷聽雨聲

贈少年

飛卿

江海相逢客恨多秋風葉下洞庭波酒
酣夜別淮陰市月照高樓一曲歌

贈彈箏者

天寶年中事玉皇曾將新曲教寧王鈿
蟬金雁皆零落一曲伊州淚萬行

贈鄭徵君

本集君字下有家居山
首春與丞相贊皇公遊

山十
三字

一拋蘭櫂逐燕鴻曾向江湖識謝公每

到朱門還惆悵故山多在畫屏中

惆悵
一作

鄠杜郊居

槿籬芳樹近樵家麥隴青青一徑斜寂

唐詩新選 卷上
莫遊人寒食後，夜來風雨送梨花。

渭上題

呂公榮達子陵歸，萬古烟波遠釣磯。
橋頭一通名利路，到今江鳥背人飛。

淮上與故人別

鄭都官

楊子江頭楊柳春，楊花愁殺渡江人。
數聲風笛離亭晚，君向瀟湘我向秦。

江州江館

向蜀還秦計未成，寒蛩一夜繞牀鳴。
愁眠不穩孤燈盡，坐聽嘉陵江水聲。

早入諫院

紫雲重疊抱春城，廊下人稀唱漏聲。
偷得微吟斜倚柱，滿衣花露聽宮鶯。

席上貽歌者

花月樓臺近九衢，清歌一曲倒金壺。坐
中亦有江南客，莫向春風唱鷓鴣。

街西晚歸

御溝春水繞閑坊，信馬歸來傍短牆。幽
榭名園臨紫陌，晚風時帶牡丹香。

江宿聞蘆管

塞曲淒清楚水濱，聲聲吹出落梅春。須

知風月千牆下，亦有胡蘆河畔人。

謝亭送別

許用晦

勞歌一曲解行舟，紅葉青山水急流。日
暮酒醒人已遠，滿天風雨下西樓。

下第懷故人

獨掩衡門花落時，一封書信緩歸期。南
宗更有瀟湘客，夜夜月明聞竹枝。

途經秦始皇廟

龍盤虎踞樹層層，勢入浮雲亦是崩。
一種青山秋草裡，路人唯拜漢文陵。

客有卜居不遂薄遊汧隴因題

海燕西飛白日斜，天門遙望五侯家。
樓

臺深鎖無尋處，落盡東風第一花。
一作尋處

到人

經汾陽故宅

故一作舊

趙倚樓

門前不改舊山河，破虜曾經馬伏波。
今日獨經歌舞地，古槐疎冷夕陽多。

送客歸襄陽舊居

雍國鈞

襄陽耆舊別來稀，此去何人共掩扉。
唯有白銅鞮上月，水樓閑處待君歸。

城西訪友人別墅

澧水橋西小路斜，日高猶未到君家村。
園門巷多相似，處處春風枳殼花。

和孫明府懷舊山

五柳先生本在山，偶然爲客落人間。
秋來看月多歸思，自起開籠放白鷗。

修史亭

司空表聖

烏紗巾上是青天，檢束酬知四十年。
誰

料平生臂鷹手，挑燈自送佛前錢。

遊邊感懷

張喬

兄弟江南身塞北，雁飛猶自半年餘。
夜來因得思鄉夢，重讀前秋轉海書。

河湟舊卒

少年隨將討河湟，頭白時清返故鄉。
十萬漢軍零落盡，獨吹邊曲向殘陽。

唐詩集選 卷一
九華樓晴望

一夜江潭風雨後，九華晴望倚天秋。
重來此地知何日，欲別慙慙更上樓。

雁一作題

杜彥之

暮天新雁起汀洲，紅蓼花疎水國秋。
想得故園今夜月，幾人相憶在江樓。

公子行

羅鄴

金鞍玉勒照花明，過後香風特地生。
半

醉五侯門裡出，月高猶在禁街行。金一作雕

寄友

唐茂業

新酒秦淮縮頭鱖，凌霄花下共流連。
別來客邸空翹首，細雨春風憶往年。

仲山

千載遺蹤寄薜蘿，沛中鄉里舊山河。
長

陵亦是閑邱壟異日誰知與仲多舊一作漢

寄人

別夢依依到謝家小廊回合曲欄斜多情唯有春庭月猶為情人照落花

春日客舍

客一作旅

李德新

識盡東南萬里山青春日月坐消難如何別却故園後五度花開五處看一作未識

東西南北路青春白日坐銷難如何一別故園後

煬帝陵

羅昭諫

入郭登樓出郭船紅樓日日柳年年君

王忍把平陳業只換雷塘數頃田上樓一字一作畝

一作橋頃

酒醒

陸魯望

幾年無事傍江湖醉倒黃公舊酒壚覺

後不知新月上滿身花影倩人扶

暮春漣水送別 韓成封

綠暗紅稀出鳳城暮雲宮闕古今情行人莫聽宮前水流盡年光是此聲

江上別李秀才 韋端已

前年相送杜陵春今日天涯各避秦莫向尊前惜沈醉與君俱是異鄉人杜一作灞

社日 張象文

品彙作王駕詩萬首絕句作張演詩詩府作張嬪詩

鵝湖山下稻梁肥豚柵雞栖對掩扉桑柘影斜秋社散家家扶得醉人歸

庾信 孫元晏

苦心詩賦向誰談淪落咸陽志豈甘可惜多才庾開府一生惆悵憶江南

邊庭四時怨

盧弼

盧龍塞外草初肥雁乳平蕪曉不飛鄉

國近來音信絕至今猶自著寒衣絕一作斷

隴西行

陳嵩伯

誓掃匈奴不顧身五千貂錦委胡塵可

憐無定河邊骨猶是春閨夢裏人委一作喪

越溪怨

後朝先

越王宮裡如花人越水溪頭未白蘋白

蘋未盡人先盡誰見江南春復春

詠鷹

高越

雪爪星眸世所稀摩天專擬振毛衣虞

人莫漫張羅網未肯平原淺草飛

焚書院

章碣

竹帛烟消帝業虛關河空鎖祖龍居坑

唐詩新選 卷一
灰未冷山東亂劉項元來不讀書

遊嘉陵後溪

薛太拙

山履經過滿徑蹤隔溪遙見夕陽春當
時諸葛成何事只合終身作臥龍

履一作展

聞杜羔登第

趙氏

長安此去無多地鬱鬱蒼蒼佳氣浮良
人得意正年少今夜醉眠何處樓

燕子樓詩

關盼盼

北邙松柏鎖愁烟燕子樓中思悄然自
埋冠劍歌塵散紅歇香銷一十年

春思

張窈窕

門前梅柳爛春暉閉妾深閨繡舞衣雙
燕不知腸欲斷啣泥故故傍人飛

贈遠

薛濤

芙蓉新落蜀山秋，錦字開緘總是愁。閨閣不知戎馬事，月高還上望夫樓。

續韋蟾句

武昌妓

悲莫悲兮生別離，登山臨水送將歸。武昌無限新栽柳，不見楊花撲面飛。

送友人上都

僧法振

玉帛徵賢楚客稀，猿啼相送武陵歸。潮

頭望入桃花去，一片春帆帶雨飛。

憶潯陽舊居兼贈長孫郎中

釋清基

潯陽却到知何日，此地今無舊使君。長憶窮冬宿廬嶽，瀑泉冰折共僧聞。

閒吟

君山父老

湘中老人讀黃老，手援紫籙坐碧草。春

至不知湘水深日暮忘却巴陵道

唐絕新選卷上終

